

皇朝實錄

二十九冊

大清世祖斃天陰運英睿欽文大德欽文至仁純孝
章皇帝實錄卷之五十三

順治八年二月己卯朔

禮部題上

昭聖慈壽皇太后尊號儀注本月初十日卯時上
皇太后尊號先期一日遣官致祭

天

地

宗廟

社稷一是日設

皇太后儀仗于宮中內院禮部官進宮設黃案於正中親王以下公以上俱朝服於午門內序立滿洲蒙古烏真超哈固山額真尚書精奇尼哈番梅勒章京侍郎等官在左翼門外序立文武百官在午門外排班蓋駕大樂全設不動

皇太后冊寶絲輿二座在左翼門內陳設

皇上出宮冊寶絲輿起行內院禮部官前導

皇上

駕詣

皇太后宮王以下公以上進太和殿丹墀隨

駕行冊寶絲輿從左翼中門出侍立官皆跪候通隨

駕行

駕至

皇太后宮門外階輦請

皇太后陞座

皇太后具礼服陞座冊寶絲輿至宮門外止捧冊寶

官捧冊寶由正中進宮內左邊侍立引禮官導

駕至宮內至拜位王以下公以上在宮門限外排立

固山額真尚書以下侍郎梅勒章京以上在宮大

門外排立鴻臚寺官奏跪傳唱官傳唱諸王衆官

皆跪鴻臚寺官奏進冊寶捧冊宝官跪進冊宝於
皇上左

皇上受冊寶獻訖右邊官跪接置于黃案上鴻臚寺
官奏宣冊宝宣讀官跪宣冊宝訖鴻臚寺奏叩頭
傳唱諸王衆官皆三跪九叩頭訖午門外侍立各
官亦隨行三跪九叩頭禮鴻臚寺官贊禮畢

皇太后

皇上俱還宮諸王衆官皆散次日

皇上御太和殿諸王率文武百官上表行慶賀禮
畢頒詔天下是日固倫公主和碩福金以下固山

額真精奇尼哈番尚書命婦以上詣

皇太后宮行慶賀禮

庚辰

封親王滿達海為和碩吳親王多尼為和碩信親
王郡王羅可鐸為多羅平郡王克達為多羅謙郡
王傑書為多羅康郡王 賜修

太廟總理、事官石罔太監余耀各馬一匹銀五十
兩朝服一襲貂帽一頂靴一双付理、事官湯古
善付理事官吳什巴太監殷公信署監督官金鳳
章主事萬代尚太監孫茂各銀五十兩衣皮一件

貂帽一項靴一双在事員役各給賞銀兩有差

賜修

福陵享殿總理章京臧固祚銀五十兩馬一匹朝衣
一襲貂帽一項靴一双監工章京周元勳銀五十
兩皮衣一件貂帽一項靴一双催工章京劉可祐
王建績和進舉各銀五十兩其工匠人等各給賞
銀兩有差 以故三等伯阿濟格尼堪子伊里布
二等阿思哈、番吳巴什叔圖巴三等阿思哈、
番布顏他布囊子芒塞一等阿達哈、番又一拖
沙喇哈番我木兔弟子達哈塔一等阿達哈、番

董阿賴子董三二等阿達哈、番席爾達子麻鷲
多爾濟伯子桑兔三等阿達哈、番索拜弟子吳
白塞拜他喇布勒哈番又一拖沙喇哈番納拉邁
子鄂齊爾賴胡子綽什禧曼住子莽色達密山叔
納兒善拜他喇布勒哈番阿布代兄阿布賴閣忒
兀子木成格各襲職 以故拜他喇布勒哈番格
巴庫叔之子拜他喇布勒哈番碩塞襲職并為三
等阿達哈、番 定錢制每錢百文准銀一錢連
者論罪

辛巳

免朔州、渾源州、大同縣無主荒地一万三千四百九十頃，錢糧仍令有司招人開墾，二年後起科。

壬子

以故三苛阿達哈、番莽吉兔、兄子溫達禮陣歿。二苛阿達哈、番祖古祥子植椿、三苛阿達哈、番索尼巴圖魯子巴圖拜他喇布勒哈番，又一拖沙喇哈番克查特子擺音代玉法、兄子庫子若里王騰高子永福拜他喇布勒哈番羅多礼、兄子羅冒張弘猷子興德、拖沙喇哈番薩哈達子海藍賈尔多子汪格、內格子喀喇噶達堪子該、四海胡什

布子傳達、礼喇代子拉塔烏黑子富喀社貝兒子、已兒齊哈代子景佐博託里子表哈德、圖倫子西兒喀納卓諾子喜達塞、赫子黑赫碩倫弟龍什服王自祖子棟各襲職。

癸未 定

上躬祀

方澤

太廟

社稷進

上胙肉福酒皆如禮

圜丘例 初羅什博爾惠額克親吳拜蘇拜等五人
出獵歸閱教日謂兩黃旗大臣曰掛政王原有復
理事端重王敬謹王親王之意時兩黃旗大臣即
察其言動不順又兩黃旗大臣同端重王曰羅什
敬我過于往日曾召隋孫云掛政王有復以端重
王為親王之意我已告于兩黃旗大臣矣又穆爾
泰往視博爾惠病時博爾惠言掛政王原有復理
事兩王為親王之意我等曾告于兩黃旗大臣已
為親王否乎穆爾泰歸以語額爾德赫額爾德赫
云此言甚大爾既聞之可告知王穆爾泰不以告

王額爾德赫以告于王之曰願詔黎明至朝會處
遂以告端重王既入朝房又以告鄭親王其時端
重正同兩黃旗大臣相謂云此為我輩造業耳可
誣之鄭親王敬謹王云博爾惠所語穆爾泰之言
予先曾告之端重王入朝房後又以告之鄭親王
矣于是二王及兩黃旗大臣詭訴于鄭親王兩旗
大臣言羅什博爾惠額克親吳拜蘇拜等以掛政
王原有復以二王為親王之意來告我等既又私
謂二王言皆我等故令違以諂諛之夫二王乃
理事王若非二王發覺豈不令二王與我等相仇

害使彼得以市其情面乎又前撥王藍旗隸

皇上時業已以何洛會為滿洲固山額真願那岱蝦
為蠹章京阿喇善為蒙古固山額真拜政王言子
已掛政側目予予者甚多而黃旗大臣蝦等皆信
寔予出外欲賴其力以為子衛俟歸政然後隸於
上其時曾致一書于貝勒拜音圖一書于譚泰此非
諸王朝中大臣所共知乎將無用之巴爾大齊撥
于黃旗而不與正藍旗此豈羅什博爾惠等所不
知乎羅什自以為

御前大臣隱行蠹惑為欺罔峻搆之行以多尼王端

正藍旗給多爾博阿格以兩固山將為三固山其
意謂誰其如我何今若久阿格則是

皇上止一旗而多爾博阿格反有兩旗矣訴訖鄭親
王以下尚書以上公薙之以羅什博爾惠動搖邦
本是為蠹惑欺罔峻搆之行是寔擬辟公其家額
克親于諸王頂訊時供言以為伊等所行為是故
從之而行耳從直供吐原其非奸佞巧辯之人除
宗室為民籍家產一半全奪所屬人役吳拜蘇拜
令為民其家產始披甲人例撥給餘俱入官議上
奉

聖旨朕每聞刑人深為不恣宥其死如何諸王大臣
其設之命既下于是衆復言此動搖國是盡惑欺
罔唆構之人天發其奸不可復由奏上奉

聖旨如議行 以劄委付將栗莽志為南雄付將

丙戌

諭鄂尔多斯部落多尔濟等曰尔等棄生長之鄉
而事他適意有所若而然朕茲特降恩綸諭旨
到日可即歸故土朕仍恩養如旧勿懷疑畏朕言
一出新不尔欺倘恩綸既降仍執迷不從尔豈能
別為一國朕亦不任尔安居也逮事迫乃悔夫復

何益且尔扎木蘇等返故土後復業無恙尔所知

也諭其行之 擢行司行人蘓文樞大理寺左評

事高辛胤為吏科給事司行人李生芳中

書科中書舍人陳叶為戶科給事大理寺右評

事法若真為禮科給事中書科中書舍人王禎

行人司行人王廷諫為兵科給事中太常寺博士

趙進美為刑科給事大理寺右評事朱胤顯中

書科中書舍人李寔秀為工科給事中 陞山西

冀寧道叅政熊維傑為浙江按察司按察使河南

管河道叅政方大猷為江南按察司按察使山西

口北道僉事趙宗秩為浙江布政使司叅議督糧
道江南安庠道叅議石鎮國為浙江按察司付使
久巡杭歙道湖廣武昌道付使董應魁為山東布
政使司叅政驛傳道河南大梁道付使張自昌為
山西布政使司叅政昌平道

丁亥 以上

昭聖慈壽皇太后尊號遣官祭告

天 地 宗廟

社稷 是日

上恭上

昭聖慈壽皇太后奏言恭惟

聖母柔順承乾含弘配地翼有

皇考淑慎著于宮闈誕育淑躬禎祥集于邦國臣獲
續丕緒奄有寰區撫蒞兆民益念誠求之至德敷
寧九有聿遵訓迪之鴻謨既親大政而考彝章乃
順群心而崇顯號伏冀

垂慈鑒允俾展微忱庶藉尊養之儀稍慰顯揚之愿
臣不勝惓惓之至

戊子

上躬率諸王文武羣臣恭上

昭聖慈壽皇太后尊號冊寶冊文曰開國承家道莫先於立愛正名定位禮莫大於尊親子有至情右垂彞憲宜登宗號以表化原恭惟

聖母體備含弘性成聖善克恭儉而襄大業秉慈惠而諧六宮祐既薦於家邦祥乃鍾於胤嗣思勤願復丕殫鞠子之勞啟迪訓行儉示作君之則坤教彰於率土母儀式于九圍至德難名莫罄揄揚之寔深恩罔報罔申尊養之誠爰順輿情肇隆盛典

謹告

天

地

宗廟

社稷率諸王貝勒文武群臣恭奉冊寶上

尊號曰

昭聖慈壽皇太后伏願凝和履泰燕子貽孫德位兼

崇錫鴻禧于四海

天人協慶介眉壽于萬年寶文曰

昭聖慈壽皇太后寶 更定和碩親大福金車轎青

簷為紅簷其後封端重親王敬謹親王大福金車
轎簷仍鑲青儀仗內減青花扇二柄 授茅垣拖
沙喇哈番以修

昭陵工也

己丑 以上

昭聖慈壽皇太后尊號禮成頒詔天下詔曰帝王統
御寰區撫綏億兆莫不正名彰德致隆于所生乃
仁孝之至情尊養之彝憲也欽惟我

聖母翼贊

皇考勤修內則克諧宮壺以御于家邦誕育眇躬劬

勞啟迪績成洪緒混一多方揆厥本原宴惟

慈庇王公臣庶咸謂宜崇上

尊號兼晉

徽稱以孚中外之心叶古今之禮察茲公議允懽朕
衷謹告

天

地

宗廟

社稷於順治八年二月初十日率諸王貝勒文武群
臣恭奉冊寶上

尊號曰

昭聖慈壽皇太后隆儀備舉愷澤覃敷所有恩恤事宜條列于後

一和親王以下宗室三奇愛惜喇、章京以上應厚加恩賜一外藩諸王以下固山額真精奇尼哈番以上各加恩賜一內外自公主以下至格、以上各加恩賜一滿洲及在內蒙古舊烏真超哈公爵以下拖沙喇哈以上併襲職幼官隨朝以上者各陞一級內有從前以前來行間著勞已久及在署供職有年各官應破格分別陞授一先經頒給

誥命今逢恩詔陞授者予誥命內准撰世襲罔替舊烏真超哈阿達哈、番滿洲拜他喇布勒哈番今遇恩詔亦准撰給誥命茲詔以後已頒誥命者如再膺宴賤不載入誥命之內者另行撰給勅書白身任梅勒章京白身任甲喇章京滿洲蒙古白身任牛录章京滿洲蒙古烏真超哈白身任侍衛白身任內院學士白身任理事白身任尼堪啟心郎白身任付理白身任額託庫以上應概陞一級一在京文官五品以上各加一級一在京官員九品以上厚加恩賜一各省鎮總督巡撫併總兵官

各加恩賜一地方人材果有誠實有德山林隱逸之士著該督撫核實具奏酌與錄用一各省人丁徭餼孤徵不苛八年一年曾久九則者上三則免七分之一中三則免五分之一下三則免三分之一不分苛則者三錢以上者免半三錢以下全免畿輔除前詔免過外再始各省一例蠲免一各處滿漢兵丁分馬步戰守各有賞賚一歷代帝王陵寢先師孔子闕里應遣官致祭始旧例舉行一滿漢孝子順孫義夫節婦該管官細加諮訪確具事實勘給奏聞禮部核實以憑旌表一自順治元年

起至八年二月十一日昧爽以前凡衛所充軍人犯不論永遠終身悉與赦免回籍督撫仍將赦過人數具冊報部一營中倒斃馬匹有按年責賠之例自順治八年二月十一日以前未賠者悉與豁免一各營兵丁征戰勞苦如月餉有欠者該督撫速為補給一征調別省兵丁深為可憫其家口坐糧始例給發務令得沾宴惠一朝解歲額進貢各色綿紬五百疋棉布五千疋以後永免綿紬一百疋棉布六百疋於戲立愛惟親孝思不匱惟我聖母丕隆名壽千萬斯年王公臣庶偕茲大慶其各

祇乃身裕乃心勤乃事敬迓

天庥以共臻于邇理布告天下咸使聞知
昭聖慈壽皇太后誥諭

皇帝曰為天下者處于至尊誠為不易上承

祖宗功德益廓鴻罔下能競之業、經國理民斯可

為天下主民者國之本治民必簡任賢才治國必

親忠遠佞用人必出于灼見真知蒞政必加以詳

審剴斷賞罰必得其平服用必合乎則毋作奢靡

務圖遠大勤學好問懲忿戒嬉倘專事佚豫則大

業繇茲替矣凡幾務至前必絲理勿倦誠守此言

豈惟福澤及于萬立亦大孝之本也 補原任戶

部右侍郎督理京省錢法任濬原官 贈殉難巡

撫延綏兵部右侍郎王正志為都察院右付都御

史河東運使鄭弘圖為山西布政使司叅政運同

李因之為山西布政使司叅議各廕一子入監讀

書監運司知事王存鏊贈布政司怡磨 卒廣西

布政司魯鼎新職以規避不赴任故也 叙征甘

州功陞一等阿達哈、番兼一拖沙喇哈番譚布

為三等阿思哈、番二等阿達哈、番厄塞孟喬

芳為一等阿達哈、番三等阿達哈、番岳諾巴

圖魯彭自得王盛宗為二等阿達哈、番拜他喇
布勒哈番兼一拖沙喇哈番張亮為三等阿達哈
哈番加拜他喇布勒哈番達賚裴登寬一拖沙喇
哈番授拖沙喇哈番達自瑞為拜他喇布勒哈番
白身范思孔卻登科杜敏富達札拖沙喇哈番登
城功授白身奇努科諾和拜他喇布勒哈番賜名
巴圖魯 免汶上壽張寧陽嶧縣六年水災額賦
金鄉縣七年水災額賦 雲南道監察御史崔士
俊以糾拾失寔調外以推官用

辛卯

諭戶部曰邊外築城避暑甚為無用且加派錢糧
民尤苦累這工程看即停止其加派錢糧已徵過
的本欲發還百姓未徵的即行停徵但恐奸污官
吏併催徵錢糧人等不体朕意欺罔小民將已徵
過餉不肯還民竟入私囊未徵的仍行催督姑始
原派徵完查始完過教目開除八年正額錢糧如
地方官將已完錢糧不筭入數許赴該督撫處告
理督撫據實題參從重治罪如督撫不為查行即
來京赴部告理其各官吏士庶捐助的已解過者
併未解到已奉有旨者俱始教查收將姓名記着

該部酌議以後捐助俱免

壬辰 大風霾

癸巳

蘓克薩哈詹岱穆濟倫首告睿王薨于出獵之所
侍女吳爾庫尼將殉瘞時呼羅什博爾惠蘓拜詹
岱穆濟倫五人至喞之曰王曾不令人知倫有八
補黃袍大東珠素珠黑狐裊子今可令人知潛置
棺內及回家殯殮時羅什蘇克薩哈穆濟倫詹岱
將八補黃袍大東珠素珠黑狐裊子不令人知潛
置棺內又王欲于永平園房偕西固山移駐与何

洛會羅什博爾惠吳拜蘇拜等密謀定議將園房
之人已經遣出會出獵稽遲未往俟獵回再遣蘇

克薩哈詹岱穆濟倫以其事聞

上令諸王大臣順訊順訊時固山額真尚書譚泰言
取肅王妃并諸子至睿王第令諸子較射時何洛
會見之曰見之可殺的鬼種不覺心悸蘓克薩哈
聞之言于睿王曰想彼欲見媚于我而為是言
也但我之愛彼更自有在貝子錫翰言何洛會向
我言

上今親政兩黃旗大臣与我相忘我有首告肅王之

仇豈肯不殺而反容我耶此四事實訊俱實以睿
王不令人知私製御用服飾等件又欲率兩固山
駐永平謀篡

大位籍其所屬人口家產其養子多爾博女東莪給
信王以何洛會前首告肅王非肅王有抗

上之罪也肅王以睿王拒政後必篡

大位不能隱惡發言何洛會乃以首告彼時即應正

法今復言

皇上親政兩黃旗大臣与我相惡必挾仇殺我罪一
以惡言加肅王諸子罪一睿王欲另駐永平時同

与密謀罪一何洛會應凌遲處死籍其家以何錫
兄何洛會種、廷謀亦應凌遲處死籍其家以蘓
拜知棺内置黃袍黑狐襖子東珠素珠罪一欲另
駐永平時同与密謀罪一應斬因先犯重罪應死
蒙

聖恩寬宥仍應免死奏入奉

聖旨依議

甲午

免山西荒地一萬五千頃額糧

丙申

工科左給事中姚文然言巡按察吏安民其任綦重向議暫停為不得其人故也臣謂巡按之失人總因都察院堂官之失職耳夫巡按出有差規入則考核整肅憲剴全在堂官今都察院滿漢憲臣八九員御史等近六十員半年以來不聞疏請甄別

皇上親政之始不聞請旨特遣俾賢者憤悶無以自立不肖者覩顏有以自容堂官愈多憲絃愈壞故謂巡按之得人宜自澄清都察院諸臣始也事下廷議

丁酉 遣大學士剛林奈

先師孔子 厄魯得部落額爾德尼台吉等來貢

馱馬宴賚如例 諭戶部曰國家首重體統尊卑

原有定分近聞滿洲搭什庫及莊頭投充人等不守法度罔顧尊卑騎馬直入府州縣衙門與府州縣並肩而坐藐視命吏任意橫行目中既無官府何況小民其欺凌魚肉不問可知深為痛恨爾部即出示嚴行禁止併行文各府州縣如有仍前無故擅入官府衙門及凌侮官員欺害小民者即擒解部從重治罪

戊戌祀

大社

大稷

封貝勒岳樂為多羅安郡王

以詹岱首告

睿王私備御用衣物及携兩旗移駐等事授為拜

他喇布勒哈番

己亥

奪睿王及其母妻追封撤

廟享告

地天

社稷昭示中外詔曰鄭親王巽親王端重親王敬謹

親王同侍衛大臣合詞奏言

皇考太宗文皇帝賓天時諸王貝勒大臣等同心堅

持舍死盟誓扶立皇上彼時臣等並無欲立攝政

王之議惟伊弟豫郡王峻詞初進彼時

皇上尚在幼冲曾將朝政付伊與鄭親王共理逮後

獨高威权不令鄭親王預政遂以親弟豫郡王為

輔政叔王背誓肆行自稱為皇父攝政王以扶立

皇上之功盡為己功又將

太宗文皇帝素日恩養諸王大臣官兵人等為我

皇上捐軀竭力攻城破敵勦威賊寇之功不歸
朝廷全為己功其儀仗音樂侍衛之人俱與

皇上同蓋造府第亦與

皇上宮殿無異府庫之財任意糜費織造緞疋庫貯
銀兩珍寶不與

皇上伊擅自用又將

皇上侍臣宜爾登陳泰一族及所屬牛录人丁剝林
一族巴爾達齊一族悉收入自己旗下又親到皇
宮院內以為

太宗又皇帝之位原係奪立以挾制

皇上侍臣又吹毛求疵逼死肅親王遂納其妃將官
兵戶口財產等項既與

皇上旋復收回以自厚其力又欲

皇上侍臣額爾克戴青歸已差吳拜羅什剛林和克
格封以侯爵因戴音不從復罷侯封又差羅什傳
言誘

皇上侍臣西訥布庫云我疼你、可知道麼凡一切
政事及批票本章不用

皇上之旨概用皇父掛政王旨又悖理入生母子
太祖凡伊喜悅之人不應官者濫陞不合伊者濫降

又將伊妻自行追封又不令諸王貝勒貝子公等
伺候

皇上竟以朝廷自居令其日候府前作伊之近侍額
克親吳拜蘇拜羅什博爾惠口稱上王遺言欲亂
國政被端重親王敬謹親王暨侍衛大臣等公同
首出遂將羅什博爾惠止法額克親吳拜蘇拜從
重治罪訖以此思之顯有篡位之心臣等俱畏威
吞聲不敢出言此等情形

皇上不知謹冒死奏聞今以伊功大祔享

太廟這本內一應乖謬之事皆臣等畏隨唯諾之故

以致如此伏望

皇上重加處治罷伊母子

廟享朕隨命在朝大臣詳細會議衆口僉同反覆詳
思諸王大臣豈有虛言不意伊之近侍蘇克薩哈
唐岱穆濟倫首言伊主在日私造御服藏匿御用
珠寶曾向何洛會吳拜蘇拜羅什博爾惠商議欲
背

皇上帶伊兩固山移駐永平府又首言何洛會曾遇
舊親王子罵云該殺的鬼種等語朕聞之即令諸
王大臣詳細審問逐件皆實故將何洛會正法處

此事跡看來謀篡之事果真謹告

天

地

宗廟

社稷將伊母子併妻罷追封撤廟享傳其恩赦布告天下咸使聞知

庚子

調吏部尚書韓岳為刑部尚書刑部尚書陳泰為吏部尚書陞侍讀孟海為內秘書院學士葉成格為內國史院學士編修科爾可代白清額爾圖

特張長庚為侍讀以渾達禮為吏部理事官索

立為戶部理事官柯永綦額色達蘭台鄒內巴高

魯為兵部理事官噶賴為刑部理事官吳庫禮為

兵部理事官額赤理為都察院理事官尚好仁光

祿寺理寺官察哈泰為太僕寺理事官以正旗

滿洲固山覺羅巴哈納蒙古固山梅勒章京耶黑

朱瑪喇鑲白旗滿洲固山梅勒章京卓羅俱為本

固山固山額真正白旗滿洲固山噶爾哈圖鑲白

旗滿洲固山蘓克薩哈俱為固山蘇章京鑲黃旗

蒙古固山擺牙喇甲喇章京布克沁正白旗滿洲

固山瓦爾喀朱馬喇蒙古固山綽貝鑲白旗滿洲
固山索渾正藍旗滿洲固山巴藍俱為本固山梅
勒章京正白旗滿洲固山擺牙喇甲喇章京塞格
為噶布什吳章京鑲黃旗滿洲固山多巨羅石僕
巴魯魯塔克他連海廓步梭正黃旗滿洲固山歡
達禮孫達禮畢雅塔正白旗滿洲固山廣泰帥顏
托佛馬爾岡鑲白旗滿洲固山綽錫禧正藍旗滿
洲固山張格諾海鑲藍旗滿洲固山羅和俱為擺
牙喇甲喇章京鑲黃旗固山塞冷正黃旗烏其超
哈固山周繼新正白旗滿洲固山達爾布巴魯魯

鑲白旗滿洲固山布藍代正藍旗蒙古固山布達
習禮烏其超哈固山鄭岐麟俱為甲喇章京

辛丑

上幸南苑

壬寅

賜達賴喇嘛使臣宴于禮部 移定南王孔有德
官兵眷屬駐廣西林桂府

癸卯

上自南苑還宮 賜衍聖公孔興燮五經博士顏紹
緒曾聞達孔毓麟孟貞仁仲于陞寺宴

甲辰

以軍功陞候補付將梁化鳳為都督僉事管江南
蕪菜營參將事

乙巳

封和碩肅親王豪格子富壽為和碩顯親王增註
其父軍功於冊曰定濟寧州等處時用火攻開滿
洲等十一個殺賊甚多招撫從賊三縣所屬人民
又招服睢州總兵許定國官共萬餘統大兵征四
川時攻克三寨山張閣老崖等處山寨三處盡招
服其餘所屬寨堡擊敗水陸馬步敵兵二十二次

又攻克內江縣破八大王張猷忠一百三十六營
遂誅猷忠又誅偽王及偽總兵等大小官共二千
三百餘員招降偽文武官二百三十五員馬步兵
丁六千九百九十三名遂定四川睿王心怀篡逆
爾無故被害朕親政之後不勝追痛富壽爾係朕
親兄之子推恩封爾為和碩顯親王 遇必隆希
爾根希福祖澤潤雅賴納馬海噶達洪敦拜覺善
馬喇希法喀訖其章賤解牛录任及籍沒家產悉
屬冤枉部議還職及牛录家產以聞得旨依議遇
必隆授拜他喇布勒哈番家產悉還希爾根二等

阿達哈：番授為一等阿達哈：番又一拖沙喇
哈番希福授二等阿達哈：番祖澤潤拜他喇布
勒哈番授為二等精奇尼哈番雅賴二等阿達哈
哈番授為二等阿思哈：番納馬海授拜他喇布
勒哈番又一拖沙喇哈番噶達洪拜他喇哈番又
一拖沙喇哈番授為二等阿達哈：番敦拜一等
阿達哈：番授為三等阿思哈：番覺善一等阿
達哈：番又一拖沙喇哈番授為二等阿思哈：
番馬喇希一等阿達哈：番又一拖沙喇哈番授
為二等阿思哈：番法喀着奪一等阿思哈：番

授阿三子岳尔多為三等侯

丙午

上謂戶部諸臣曰田野小民全賴地土養生朕聞各
處圈占民地以備畋獵放鷹往來下營之所畋獵
原為講習武事古人不廢然恐妨民事必於農
隙之時今乃奪其畊耨之區斫其衣食之踞民生
何以得遂朕心大為不恣尔部作速行文地方官
將前圈地土盡數退還原主令其乘時畊種

丁未

淮揚巡按李胤岳以舉荐失實照品調外用

卷之五十三終

